



# Վահան Տերյան

## Հոգնածություն

Ես մի ճամփորդ եմ մթնում մոլորված,  
Ու հոգնած սիրտըս դարձել է խոնարհ.  
Չեմ ուզում կանչել ցնորքըս մեռած,  
Երագել գալիք օրերի համար:

Ես չար հոսանքով մղված եմ հեռուն,  
Եվ անվերադարձ փակված է ուղին.  
Մի որք մանուկ է հոգիս մոլորուն,  
Մատնված մութին և մատախտուղին:

Մի անմայր մանուկ, հեկեկանքներից  
Հոգնած ու բեկված ննջել է ուզում.  
Մի՛ վրդովեք դուք, մի՛ տանջեք նորից,  
Մի՛ տանջեք նորից հանգչել է ուզում...

---